

ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« »

2023թ. N

-Ն

ՇԱՐՔԱՅԻՆ ԵՎ ՍՊԱՅԱԿԱՆ ԿԱԶՄԵՐԻ ՊԱՐՏԱԴԻՐ ԶԻՆԾԱՌԱՅՈՂՆԵՐԻ ԿՈՂՄԻՑ
ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅՈՒՆ ԱՆՑՆԵԼՈՒ ԵՎ ԱՅԴ
ԶԻՆԾԱՌԱՅՈՂՆԵՐԻՆ ՊԱՅՄԱՆԱԳՐԻ ԺԱՄԿԵՏԸ ԼՐԱՆԱԼՈՒ ԵՎ (ԿԱՄ)
ԱՌՈՂՋԱԿԱՆ ՎԻՃԱԿԻ ՊԱՏՃԱՌՈՎ ԶԻՆՎՈՐԱԿԱՆ ԾԱՌԱՅՈՒԹՅԱՆ ՀԱՄԱՐ ՈՉ
ՊԻՏԱՆԻ ՃԱՆԱՉԵԼՈՒ ՀԻՄՔՈՎ ԺԱՄԿԵՏԻՑ ՇՈՒՏ ՊԱՅՄԱՆԱԳՐԱՅԻՆ
ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ԱՐՁԱԿԵԼԻՍ ՊԱՏՎՈՎՃԱՐ ՀԱՇՎԱՐԿԵԼՈՒ
ԿԱՐԳԸ, ԻՆՉՊԵՍ ՆԱԵՎ ՊԱՏՎՈՎՃԱՐԻ ՉԱՓԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Զինվորական ծառայության և զինծառայողի
կարգավիճակի մասին» օրենքի 27-րդ հոդվածի 6-րդ և 63-րդ հոդվածի 4-րդ
մասերով՝ Հայաստանի Հանրապետության կառավարությունը որոշում է.

1. Սահմանել շարքային և սպայական կազմերի պարտադիր
զինծառայողների կողմից պայմանագրային զինվորական ծառայության
անցնելու և այդ զինծառայողներին պայմանագրի ժամկետը լրանալու և
(կամ) առողջական վիճակի պատճառով զինվորական ծառայության
համար ոչ պիտանի ճանաչելու հիմքով ժամկետից շուտ
պայմանագրային զինվորական ծառայությունից արձակելիս
պատվովճար հաշվարկելու կարգը՝ համաձայն հավելվածի:
2. Սահմանել պատվովճարի առավելագույն չափը՝ 5000000 դրամ:
3. Սույն որոշումն ուժի մեջ է մտնում պաշտոնական հրապարակմանը
հաջորդող օրվանից:

Հայաստանի Հանրապետության

վարչապետ

Ն. Փաշինյան

2022 թ.

Երևան

Հավելված

ՀՀ կառավարության

2023 թվականի -ի N -Ն որոշման

ԿԱՐԳ

ՇԱՐՔԱՅԻՆ ԵՎ ՍՊԱՅԱԿԱՆ ԿԱԶՄԵՐԻ ՊԱՐՏԱԴԻՐ ԶԻՆԾԱՌԱՅՈՂՆԵՐԻ ԿՈՂՄԻՑ
ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅՈՒՆ ԱՆՑՆԵԼՈՒ ԵՎ ԱՅԴ
ԶԻՆԾԱՌԱՅՈՂՆԵՐԻՆ ՊԱՅՄԱՆԱԳՐԻ ԺԱՄԿԵՏԸ ԼՐԱՆԱԼՈՒ ԵՎ (ԿԱՄ)
ԱՌՈՂՋԱԿԱՆ ՎԻՃԱԿԻ ՊԱՏՃԱՌՈՎ ԶԻՆՎՈՐԱԿԱՆ ԾԱՌԱՅՈՒԹՅԱՆ ՀԱՄԱՐ ՈՉ
ՊԻՏԱՆԻ ՃԱՆԱԶԵԼՈՒ ՀԻՄՔՈՎ ԺԱՄԿԵՏԻՑ ՇՈՒՏ ՊԱՅՄԱՆԱԳՐԱՅԻՆ
ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ԱՐՁԱԿԵԼԻՍ ՊԱՏՎՈՎՃԱՐ ՀԱՇՎԱՐԿԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով (այսուհետ՝ կարգ) կարգավորվում են շարքային և սպայական կազմերի պարտադիր զինծառայողների կողմից պայմանագրային զինվորական ծառայության անցնելու և այդ զինծառայողներին պայմանագրի ժամկետը լրանալու և (կամ) առողջական վիճակի պատճառով զինվորական ծառայության համար ոչ պիտանի ճանաչելու հիմքով ժամկետից շուտ պայմանագրային զինվորական ծառայությունից արձակելիս պատվովճար հաշվարկելու գործընթացի հետ կապված հարաբերությունները:
2. Շարքային և սպայական կազմերի պարտադիր զինծառայողների կողմից պայմանագրային զինվորական ծառայության անցնելու դեպքում այդ զինծառայողների վրա տարածվում են «Զինվորական

ծառայության և զինծառայողի կարգավիճակի մասին» օրենքով և այլ օրենքներով պայմանագրային զինծառայողների համար սահմանված իրավունքները, պարտականությունները և սոցիալական երաշխիքները:

2. ՇԱՐՔԱՅԻՆ ԵՎ ՍՊԱՅԱԿԱՆ ԿԱԶՄԵՐԻ ՊԱՐՏԱԴԻՐ ԶԻՆԾԱՌԱՅՈՂՆԵՐԻ ԿՈՂՄԻՑ ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅԱՆ ՆԵՐԳՐԱՎՈՒՄԸ

1. Հայաստանի Հանրապետության զինված ուժերում ծառայության ընթացքում շարքային կամ սպայական կազմերի պարտադիր զինծառայողների հետ «Զինվորական ծառայության և զինծառայողի կարգավիճակի մասին» Հայաստանի Հանրապետության օրենքի պահանջներին համապատասխան պարտադիր զինվորական ծառայությունից պայմանագրային զինվորական ծառայություն անցնելու պայմանագիր կնքելու և պայմանագրային զինվորական ծառայության անցնելու մասին համապատասխան պետական լիազոր մարմնի ղեկավարի հրամանով հաստատված գործընթացը կազմակերպվում է հետևյալ կարգով.

1) մինչև պարտադիր զինվորական ծառայության սահմանված ժամկետի ավարտը, բայց ոչ շուտ, քան պարտադիր զինվորական ծառայության առաջին 6 ամիսը լրանալը, շարքային կամ սպայական կազմի պարտադիր զինծառայողը պայմանագրային զինվորական ծառայության անցնելու ցանկություն ունենալու դեպքում զեկուցագիր (ձև 1) է ներկայացնում զորամասի (զինվորական կառավարման մարմնի) հրամանատարին (պետին),

2) զեկուցագիրը ստանալուց հետո յոթնօրյա ժամկետում զորամասի հրամանատարը զինծառայողին տալիս է Հայաստանի Հանրապետության զինված ուժերում համապատասխան պաշտոնում պայմանագրային զինվորական ծառայության անցնելու առաջարկ,

3) զորամասի հրամանատարի (պետի) կողմից դրական որոշում կարող է կայացվել, եթե՝

ա. զինծառայողի նկատմամբ չի իրականացվում քրեական հետապնդում, կամ նա չունի չմարված դատվածություն,

բ. զինծառայողը զեկուցագիր ներկայացնելու պահին մարտական պատրաստության հիմնական առարկաններից ցուցաբերել է միայն դրական արդյունքներ,

գ. զինծառայողը համապատասխանում է առաջարկվող պաշտոնի անձնագրի պահանջներին,

4) հրամանատարի (պետի) կողմից դրական որոշում կայացվելու դեպքում զորամասում (զինվորական կառավարման մարմնում) տասնօրյա ժամկետում

նախապատրաստվում են գինժառայողի անձնական գործը (սպայական կազմի համար՝ երկրորդ օրինակը, շարքային կազմի համար՝ մեկ օրինակ) և լիազոր մարմնի ղեկավարի հրամանով հաստատված կարգի պահանջներին համապատասխան՝ գինվորական պաշտոնի նշանակելու միջնորդագիր: Անձնական գործը, գեկուցագիրը և միջնորդագիրը՝ Հայաստանի Հանրապետության գինված ուժերում գինժառայողի ունակություններին համապատասխան պաշտոնում պայմանագրային գինվորական ծառայության անցնելու առաջարկով և ըստ վերադասության համապատասխան պետերի միջնորդություններով ուղարկվում են լիազոր մարմնի կադրային ստորաբաժանում:

5) Հայաստանի Հանրապետության պաշտպանության նախարարի գինվորական պաշտոնների նշանակման համապատասխան հրամանով սահմանված կարգով նախատեսված ընթացակարգերի պահանջներին համապատասխան նյութերն ուսումնասիրվում և գինվորական պաշտոնի նշանակման հրամանի նախագծի հետ ներկայացվում են պաշտոնի նշանակման իրավասություն ունեցող պաշտոնատար անձին,

6) շարքային և սպայական կազմերի պարտադիր գինժառայողներին ծառայության ընթացքում պայմանագրային գինվորական ծառայության ներգրավելու վերաբերյալ հրամաններն առաքվում են նաև շահագրգիռ ստորաբաժանումներ:

3. ԶԻՆԾԱՌԱՅՈՂՆԵՐԻՆ ՊԱՅՄԱՆԱԳՐԻ ԺԱՄԿԵՏԸ ԼՐԱՆԱԼՈՒ ԵՎ (ԿԱՍ) ԱՌՈՂՋԱԿԱՆ ՎԻՃԱԿԻ ՊԱՏՃԱՌՈՎ ԶԻՆՎՈՐԱԿԱՆ ԾԱՌԱՅՈՒԹՅԱՆ ՀԱՄԱՐ ՈՉ ՊԻՏԱՆԻ ՃԱՆԱՉԵԼՈՒ ՀԻՄՔՈՎ ԺԱՄԿԵՏԻՑ ՇՈՒՏ ՊԱՅՄԱՆԱԳՐԱՅԻՆ ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ԱՐՁԱԿԵԼԻՍ ՊԱՏՎՈՎՃԱՐԻ ՀԱՇՎԱՐԿՈՒՄԸ

1. Յուրաքանչյուր տարվա համար պատվովճար հաշվարկելու ենթակա պայմանագրային գինժառայողներին անհրաժեշտ ֆինանսական միջոցները նախատեսվում են Հայաստանի Հանրապետության պաշտպանության նախարարության բյուջետային հայտի հիման վրա:
2. Պատվովճարն անկանխիկ գումար է, որը փոխանցվում է պատվովճար ստացող պայմանագրային գինժառայողի բանկային հաշվին: Պայմանագրային գինժառայողը կարող է ազատ տնօրինել փոխանցված պատվովճարի գումարը:
3. Պայմանագրային գինժառայողին պայմանագրի ժամկետը լրանալու հիմքով պատվովճարը հաշվարկվում է սահմանված առավելագույն չափով, իսկ առողջական վիճակի պատճառով գինվորական ծառայության համար ոչ պիտանի ճանաչելու հիմքով ժամկետից շուտ գինվորական ծառայությունից արձակելիս պատվովճարը հաշվարկվում է սահմանված առավելագույն չափը 60 ամիսների վրա բաժանելու և ստացված մեկ ամսվա գումարը մինչև պայմանագրային գինվորական ծառայությունից արձակելու ամիսը ներառյալ ծառայած ամիսների թվի վրա բազմապատկելու արդյունքում ստացված չափով:

4. Հաշվարկված պատվովճարի գումարը Հայաստանի Հանրապետության պաշտպանության նախարարության կողմից պայմանագրային զինծառայողի բանկային հաշվին է փոխանցվում ոչ ուշ, քան պայմանագրի ժամկետը լրանալու կամ առողջական վիճակի պատճառով զինվորական ծառայության համար ոչ պիտանի ճանաչելու հիմքով ժամկետից շուտ զինվորական ծառայությունից արձակելու օրվանից հետո տաս աշխատանքային օրվա ընթացքում:

Ձև 1

ՀՀ ՊՆ-----գորամասի հրամանատար

_____ին

նույն գորամասի-----

(գրադեցրած պաշտոնը)

-----ից

(կոչումը, անունը, հայրանունը, ազգանունը)

Ձ Ե Կ ՈՒ Ց Ա Գ Ի Ր

Ես՝ _____-ս

20 թ. գորակոչվել եմ պարտադիր ժամկետային զինվորական ծառայության: Ցանկություն ունեմ Պաշտպան Հայրենյաց ծրագրով պայմանագրային զինվորական ծառայության անցնելու ՀՀ զինված ուժերում:

Խնդրում եմ Ձեր միջնորդությունը վերադաս հրամանատարությանը՝ պայմանագրային զինվորական ծառայություն անցնելու մասին պայմանագիր կնքելու համար:

ՀՀ ՊՆ _____ ԶՈՐԱՄԱՍԻ -----

պաշտոնը)

(գրադեցրած

(կոչումը, անունը, հայրանունը, ազգանունը)

<< >> _____ 20 թ.